

**INFORMACIJA O IMPLEMENTACIJI ZAKONA O PROVOĐENJU KONTROLE ZAKONITOSTI
KORIŠTENJA PRAVA IZ OBLASTI BRANILAČKO-INVALIDSKE ZAŠTITE
ZA PERIOD APRIL-JUNI 2021.GODINE**

**(član 11. Zakona o provođenju kontrole zakonitosti korištenja prava iz oblasti branilačko- invalidske zaštite
„Službene novine Federacije BiH” , broj 82/09)**

**Broj: 05-37/2-2967/21
Sarajevo, septembar 2021. godine**

SADRŽAJ

Uvod	3
1.Realizacija Zakona o reviziji za period april-juni 2021. godine	3
1.1.Tabelarni pregled predmeta svih kategorija ukupno kontrolisani i nekontrolisani od početka revizije do 30.06.2021. godine.	4
1.2.Penzije ostvarene po povoljnijim uvjetima.	5
2. Pokazatelji o II. i III. fazi revizije za II. kvartal 2021. godine i ukupno od početka revizije do 30.06.2021. godine.	6
2.1.Pokazatelji o radu ljekarske komisije Instituta za medicinsko vještačenje zdravstvenog stanja u postupku po Zakonu o reviziji	7
3.Uočene pojave koje utiču na proces provođenja Zakona i prijedlozi za njihovo prevazilaženje	8
3.1. Realizacija Presuda Ustavnog suda Federacije BiH	8
3.1.1. Presude Ustavnog suda Federacije BiH pojedinačno	8
4. Rad Revizorskog tima za koordinaciju	9
5. Angažovanje diplomiranih pravnika i drugih po osnovu ugovora o djelu i volontera	10
6. Realizacija Dinamičkog plana za II. kvartal 2021.godine	10
7. Realizacija dosadašnjih zaključaka Vlade Federacije BiH	11
8. Završna razmatranja	11

**INFORMACIJA O IMPLEMENTACIJI ZAKONA O PROVOĐENJU KONTROLE ZAKONITOSTI KORIŠTENJA PRAVA IZ OBLASTI
BRANILAČKO-INVALIDSKE ZAŠTITE ZA PERIOD APRIL-JUNI 2021.GODINE**
(član 11. Zakona o provođenju kontrole zakonitosti korištenja prava iz oblasti branilačko- invalidske zaštite
„Službene novine Federacije BiH”, broj 82/09)

Uvod

Zakon o provođenju kontrole zakonitosti korištenja prava iz oblasti branilačko-invalidske zaštite objavljen je u “Službenim novinama Federacije BiH”, broj 82/09 (u daljem tekstu: Zakon o reviziji). Pripreme za početak realizacije, donošenje podzakonskih akata i formiranje revizorskih timova za kontrolu trajalo je do 05.07.2010. godine, kada je zvanično počela provedba Zakona o reviziji.

Članom 11.stav 2. Zakona o reviziji propisana je obaveza Federalnog ministarstva za pitanja branilaca i invalida odbrambeno – oslobodilačkog rata (u daljem tekstu: Federalno ministarstvo) da Vladi Federacije Bosne i Hercegovine dostavlja informaciju o postignutim rezultatima revizije najmanje tromjesečno.

Od početka implementacije Zakona o reviziji (05.07.2010. godine), Vlada Federacije Bosne i Hercegovine je do sada razmatrala i usvojila 44 informacije o njegovom provođenju.

U informacijama su opisane faze vršenja kontrole zakonitosti, prikazan broj pregledanih predmeta za koje su izdani nalozi za izdavanje Uvjerenja na obrascu FMB -1, Uvjerenja na obrascu FMB - 2, te obrazloženi problemi u vezi sa provođenjem kontrole zakonitosti sa prijedlozima za prevazilaženje istih.

U ovoj informaciji prikazani su rezultati primjene Zakona o reviziji za period 01.04.2021. do 30.06.2021. godine, kao i od početka revizije do 30.06.2021. godine.

1.Realizacija Zakona o reviziji za period april-juni 2021. godine

U periodu april-juni 2021. u skladu sa Dinamičkim planom revizije za 2021. godinu, na realizaciji I. faze revizije nisu bili angažovani Revizorski timovi za kontrolu. U ovom periodu na realizaciji aktivnosti I faze revizije bio je angažovan Revizorski tim za koordinaciju, koji je navedene aktivnosti izvršavao u otežanim uslovima uslijed pojave korona virusa. U II. kvartalu smanjen je ukupan broj nekontrolisanih predmeta sa 136 na 119, odnosno u 17 predmeta okončana je prva faza revizije.

1.1. Tabelarni pregled predmeta svih kategorija ukupno kontrolisani i nekontrolisani od početka revizije do 30.06.2021. godine.

Kanton	Lična invalidnina			Porodična invalidnina			Povoljnije penzije			Odlikovanja		
	Pregledano 30.06.2021	Nije 30.06.2021	Ukupno 30.06.2010	Pregledano 30.06.2021	Nije 30.06.2021	Ukupno 30.06.2010	Pregledano 30.06.2021	Nije 30.06.2021	Ukupno 30.06.2010	Pregledano 30.06.2021	Nije 30.06.2021	Ukupno 30.06.2010
USK	4818	0	4818	5228	1	5229	1957	8	1965	416	4	420
POSAVSKI	3148	1	3149	1329	1	1330	874	6	880	294	2	296
TUZLANSKI	7089	1	7090	11052	1	11053	4045	33	4078	411	3	414
ZE-DO	6690	1	6691	5874	1	5875	5531	1	5532	515	3	518
PODRINJSKI	718	0	718	1060	0	1060	1263	1	1264	63	3	66
SBK	7156	0	7156	5523	1	5524	5901	5	5906	571	3	574
HNK	9094	0	9094	3382	1	3383	5203	11	5214	915	1	916
ZHK	4525	0	4525	326	0	385	1905	2	1907	520	3	523
K SARAJEVO	10234	1	10235	12249	1	12250	5555	3	5558	933	5	938
KANTON 10	1082	0	1082	404	0	404	653	4	657	259	3	262
BRČKO DISTRIKT	887	0	887	733	0	733	416	2	418	76	2	78
UKUPNO	55441	4	55445	47219	7	47226	33303	76	33379	4973	32	5005

pregledano 140936
ostaje 119

UKUPNO

141055

Iz tabelarnog prikaza vidljivo je da je od početka primjene Zakona o reviziji do 30.06.2021. godine postupak kontrole okončan u 140936 predmeta korisnika nekog od prava ostvarenog na osnovu propisa iz oblasti branilačko-invalidsko zaštite koji podliježu reviziji.

Od tog broja:

- 55 441 predmet je predmet korisnika prava na ličnu invalidninu,
- 47 219 predmeta su predmeti korisnika prava na porodičnu invalidninu,
- 33 303 predmeta su predmeti korisnika koji su ostvarili pravo na penziju pod povoljnijim uvjetima,
- 4973 predmeta su predmeti korisnika prava na mjesečni novčani dodatak – nosioci najviših ratnih priznanja i odlikovanja.

Odnosno, da postupak kontrole I. faza revizije nije okončana u 119 predmeta.

Od tog broja:

- 4 predmeta su predmeti korisnika prava na ličnu invalidninu,
- 7 predmeta su predmeti korisnika prava na porodičnu invalidninu.
- 76 predmet su predmeti korisnika koji su ostvarili pravo na penziju pod povoljnijim uvjetima,
- 32 predmeta su predmeti korisnika prava na mjesečni novčani dodatak po osnovu dodjeljenog najvišeg ratnog priznanja ili odlikovanja.

1.2. Penzije ostvarene po povoljnijim uvjetima.

Po podacima sa kojima raspolaže ovo Ministarstvo na početku revizije struktura ostvarenih prava na penziju pod povoljnijim uvjetima je bila slijedeća: Uredba I - 985 korisnika, Uredba II – 4 512 korisnika, Uredba III 5 042 - korisnika, Zakon o pravima demobiliziranih branilaca – 3 849 korisnika koji su ispunili uslove po Zakonu o PIO/MIO, po Zakonu o pravima demobiliziranih branilaca – 6 608 korisnika koji nisu ispunili uslove po Zakonu o PIO/MIO, po Zakonu o povoljnijem prijevremenom penzionisanju branilaca odbrambeno-oslobodilačkog rata – 8 147 korisnika, Zakon o pravima branilaca i članova njihovih porodica – 4 236 korisnika (985+4 512+5 042+3 849+6 608+8 147+4 236 = 33 379).

Po podacima Federalnog zavoda za PIO/MIO zaključno sa mjesecom junom 2021. godine isplaćeno je:

- 11 769 penzija korisnicima po članu 3. Zakona o prijevremenom povoljnijem penzionisanju branilaca odbrambeno –oslobodilačkog rata,
- 17 582 penzije korisnicima po članu 4., 9. stav 2. i članu 14. stav 2. Zakona o prijevremenom povoljnijem penzionisanju branilaca odbrambeno-oslobodilačkog rata,
- 5 936 penzija korisnicima koji su to pravo ostvarili po osnovu Zakona o pravima branilaca i članova njihovih porodica,
- 9 565 penzije korisnicima koji su to pravo ostvarili po osnovu Zakona o pravima demobiliziranih branilaca i članova njihovih porodica, od čega je 8 561 korisnik ispunio uvjete po Zakonu o PIO/MIO.

FZ PIO/MIO je do 30.06.2021. godine zaprimio 1 252 Uvjerenja na obrascu FMB-2.

Od ukupnog broja zaprimljenih Uvjerenja na obrascu FMB - 2, FZ PIO/MIO je postupio u 1076 predmeta, a za 176 dostavljenih Uvjerenja na obrascu FMB - 2 nakon objavljivanja presuda Ustavnog suda Federacije BiH (presuda U-7/12 od 22.11.2012., koja je objavljena dana 16.01.2013. godine u "Službenim novinama Federacije BiH", broj 4/13 i presuda broj U-17/12 od 7.2.2013. godine, koja je objavljena dana 27.03.2013. godine u "Službenim novinama Federacije BiH", broj 4/13), još uvijek nije postupljeno iz razloga provođenja postupka implementacije istih.

Od 1076 obrađenih predmeta, u ponovnom postupku dostavljeno je Uvjerenje na obrascu FMB - 1 za 578 korisnika, za 12 korisnika je donesena presuda nadležnog suda o ponovnom uspostavljanju prava i za 4 korisnika je promijenjen osnov za priznavanje prava na penziju, pa je za 594 korisnika ponovo uspostavljena isplata. Za 183 korisnika je dostavljeno Uvjerenje na obrascu FMB-2, ali su isti ostvarili pravo po drugom propisu.

2. Pokazatelji o II. i III. fazi revizije za II. kvartal 2021. godine i ukupno od početka revizije do 30.06.2021. godine.

U II. kvartalu 2021. godine Sektoru za upravno rješavanje ovog Ministarstva na provođenje II. i III. faze revizije dostavljeno je 120 spisa predmeta lične invalidnine.

U navedenom kvartalu ovaj Sektor za upravno rješavanje je postupao u ukupno 1 020 predmeta. Od navedenog broja:

- u 11 predmeta doneseno je rješenje o ukidanju priznatih prava na osnovu izdatog Uvjerenja na obrascu FMB-2;
 - u 3 predmeta porodične invalidnine nakon izdavanja Uvjerenja na obrascu FMB-1 postupak kontrole okončan stavljanjem klauzule o izvršenoj reviziji;
 - u 142 predmeta lične invalidnine nakon izdavanja Uvjerenja na obrascu FMB-1 i nalaza i mišljenja ljekarske komisije postupak kontrole okončan stavljanjem klauzule o izvršenoj reviziji, potvrđen obim priznatih prava;
 - u 24 predmeta lične invalidnine doneseno rješenje o prestanku priznatih prava na osnovu ocjene ljekarske komisije Instituta;
 - u 127 predmeta lične invalidnine donesena su rješenja kojim je utvrđen manji obim prava u skladu sa ocjenom ljekarske komisije Instituta;
 - u 4 predmeta lične invalidnine donesena su rješenja kojim je utvrđen veći obim prava u skladu sa ocjenom ljekarske komisije Instituta;
 - 19 predmeta vraćeno nadležnoj općinskoj službi iz razloga što je utvrđen prestanak prava zbog smrti, privremeno priznata prava ili je pravo prestalo u nekom od ranije provedenih postupaka;
 - u 26 predmeta donesena su rješenja ili je data saglasnost u izvršenju presuda Vrhovnog suda Federacije BiH (ovaj broj uračunat je u broj predmeta u kojim je postupak revizije okončan);
 - 68 predmeta vraćeno Sektora za normativno-pravne, kadrovske, opće poslove i informatiku, radi otklanjanja nedostataka i grešaka učinjenih u I. fazi revizije;
 - 464 predmeta obrađena i upućena ljekarskim komisijama Instituta radi davanja nalaza, mišljenja i ocjene, od tog broja u izvršenju presude 164, a 53 radi ispravljanja greške u nalazu i 247 predmeta u kojima nije postupano ranije;
 - u 145 predmeta doneseni su različiti akti u vezi sa postavljenim upitima u vezi sa kontrolom zakonitosti, klauzulama pravomoćnosti i dr.
- Iz naprijed navedenih pokazatelja vidljivo je da je u II. kvartalu 2021. godine Sektor za upravno rješavanje u 330 predmeta okončao postupak revizije bilo donošenjem rješenja ili stavljanjem klauzule o izvršenoj reviziji (saglasnost) ili vraćanjem službi zbog nepostojanja uslova za vođenje postupka.

Od početka provođenja III. faze revizije 15.3.2011. godine do 30.06.2021. godine Sektor za upravno rješavanje postupao je u 54 035 predmeta lične i porodične invalidnine. Od navedenog broja u vezi sa izvršenjem presuda Vrhovnog suda Federacije BiH postupano je u 3 545 predmeta.

Naprijed navedeni broj predmeta riješen je na slijedeći način:

- u 35 382 predmeta postupak okončan stavljanjem štambilja o izvršenoj reviziji;
- u 4 840 predmeta postupak okončan donošenjem upravnog akta o prestanku prava, a sve nakon pribavljanja nalaza i mišljenja nadležne ljekarske komisije;
- u 1 494 predmeta postupak okončan donošenjem upravnog akta o prestanku prava, nakon izdavanja Uvjerenja na obrascu FMB-2;

- u 10 841 predmetu postupak okončan donošenjem upravnog akta kojim je umanjen obim priznatih prava na osnovu nalaza i mišljenja nadležne ljekarske komisije;
- u 721 predmetu postupak okončan donošenjem upravnog akta kojim je povećan obim priznatih prava;
- u 265 predmeta postupak okončan donošenjem upravnog akta u skladu sa nalazom i mišljenjem Konzilijarne ljekarske komisije;
- 325 predmeta vraćeno nadležnim službama zbog smrti stranke ili je zbog drugih razloga nastupila nemogućnost daljeg vođenja postupka;
- 167 predmeta dostavljeno nadležnoj organizacionoj cjelini Ministarstva zbog otklanjanja nepravilnosti nastalih u I. fazi revizije.

2.1. Pokazatelji o radu ljekarske komisije Instituta za medicinsko vještačenje zdravstvenog stanja u postupku po Zakonu o reviziji

U periodu od 29.04.2011. godine (prvi put dostavljeni predmeti Institutu) do 30.06.2021. godine Ljekarskoj komisiji Instituta za medicinsko vještačenje po Zakonu o provođenju kontrole zakonitosti korištenja prava iz oblasti branilačko-invalidske zaštite (u daljem tekstu: LJKZKZ), dostavljeno je ukupno 54 661 predmet (54.628 lična i 33 porodična invalidnina). Od tog broja u izvještajnom periodu dati su nalazi i mišljenja u ukupno 53 622 predmeta (53.589 lična i 33 porodična invalidnina). Iz naprijed navedenog proizilazi da se sa 30.06.2021. godine kod LJKZKZ nalaze 1039 predmeta lične invalidnine u kojim nije okončano medicinsko vještačenje.

Analiza datih nalaza i mišljenja navedene Ljekarske komisije Instituta je slijedeća:

- od ukupno 53 622 data nalaza i mišljenja struktura istih u odnosu na nalaze i mišljenja date u ranijim postupcima je slijedeća: isti u 35 827 predmeta; veći u 712 predmeta; manji u 11 037 predmeta; ukinut u 5 839 predmeta, u 207 predmeta vojni invaliditet nije cijenjen.
- u ukupno datih 33 nalaza i mišljenja u predmetima porodične invalidnine (uzročno-posljedična veza između smrti RVI i osnova po kojem mu je bilo priznato svojstvo RVI i nesposobnost za privređivanje), stanje u odnosu na utvrđeno konačnim rješenjima je slijedeće: isto u 28 predmeta i ukinuto u 5 predmeta.

U II. kvartalu 2021. godine: Sektor za upravno rješavanje dostavio je LJKZKZ ukupno 461 predmet lične invalidnine i 0 predmeta porodične invalidnine, a ista je u 384 predmeta lične invalidnine dala nalaz i mišljenje.

U II. kvartalu 2021. godine: od ukupno 384 nalaza i mišljenja data u ovom periodu, procenti invaliditeta po nalazima i mišljenjima LJKZKZ u odnosu na utvrđene konačnim rješenjima su: isti u 247 predmeta; veći u 4 predmeta; manji u 97 predmeta; ukinuti u 17 predmeta i nije cijenjen u 19 predmeta.

Pri ocjeni ortopedskog dodatka i dodatak za njegu i pomoć od drugog lica stanje je slijedeće:

a) Ortopedski dodatak od početka druge faze revizije do 30.06.2021. godine je cijenjen u ukupno 10 066 predmeta korisnika prava na ličnu invalidninu, pri čemu je: postojeći stepen potvrđen u 8 158 predmeta, povećan stepen ortopedskog dodatka u 96 predmeta, smanjen u 169 predmeta, ukinut u 1 364 predmeta, prvi put utvrđen u 265 predmeta, nije cijenjen u 14 predmeta.
U II. kvartalu 2021. godine: Ortopedski dodatak je cijenjen u ukupno 32 predmeta korisnika prava na ličnu invalidninu, pri čemu je: postojeći stepen potvrđen u 22 predmeta, povećan stepen ortopedskog dodatka u 2 predmeta, smanjen u 0 predmetu, ukinut u 7 predmeta, prvi put utvrđen u 1 predmetu i nije cijenjen u 0 predmeta.

b) Dodatak za njegu i pomoć od drugog lica od početka druge faze revizije do 30.06.2021. godine je cijenjen u ukupno 884 predmeta korisnika prava na ličnu invalidninu, pri čemu je: postojeći stepen tuđe njege potvrđen u 780 predmeta, povećan u 10 predmeta, smanjen u 39 predmeta, ukinut u 41 predmetu, prvi put utvrđen u 9 predmeta, nije cijenjen u 5 predmeta.
U II. kvartalu 2021. godine: Dodatak za njegu i pomoć od drugog lica je cijenjen u ukupno 1 predmetu korisnika prava na ličnu invalidninu, pri čemu je: u 0 predmeta potvrđen postojeći stepen tuđe njege, povećan u 0 predmeta, smanjen u 0 predmeta, ukinut u 1 predmetu, prvi put utvrđen u 0 predmeta, nije cijenjen u 0 predmeta.

3. Uočene pojave koje utiču na proces provođenja Zakona i prijedlozi za njihovo prevazilaženje

3.1. Realizacija Presuda Ustavnog suda Federacije Bosne i Hercegovine

Ustavni sud Federacije Bosne i Hercegovine donio je presude broj: U-7/12, U-17/12, U-11/12, U-22/12, U-8/13 i U-52/13 kojima je utvrdio da pojedine odredbe zakona iz oblasti branilačko-invalidske zaštite i uredbe nisu u saglasnosti sa Ustavom Federacije Bosne i Hercegovine.

3.1.1. Presude Ustavnog suda Federacije BiH pojedinačno

Presudom Ustavnog suda Federacije Bosne i Hercegovine, broj: U-7/12 od 20.11.2012. godine, koja je objavljena "Službenim novinama Federacije BiH", broj 4/13, utvrđeno je da član 9. Zakona o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH", broj 82/09), u dijelu koji glasi: "ili su izdata u upravnom postupku samo na osnovu izjava svjedoka, potvrde boračkog udruženja ili na osnovu medicinske dokumentacije, a u suprotnosti su sa evidencijama o neisplaćenim vojničkim platama", nije u saglasnosti sa Ustavom Federacije BiH.

Status realizacije Presude: Nije realizovana.

Presudom Ustavnog suda Federacije Bosne i Hercegovine, broj: U-17/12 od 07.02.2013. godine, koja je objavljena u "Službenim novinama Federacije BiH", broj 24/13, utvrđeno je da član 5. stav 2. u dijelu koji glasi: "Pisanim dokaznim sredstvom u smislu ovog zakona ne smatra se izjava stranke i drugih lica bez obzira na to u kojem je obliku saopštena" i član 7. st. 2. i 3. u dijelu koji glasi: "i samo riješiti upravnu stvar bez pozivanja korisnika prava po bilo kojem osnovu", Zakona o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH", broj 82/09), nisu u saglasnosti s članom 6. stav 1. Evropske konvencije o zaštiti ljudskih prava i osnovnih sloboda.

Status realizacije Presude: Nije realizirana.

Presudom Ustavnog suda Federacije Bosne i Hercegovine, broj: U-22/12 od 18.12.2012. godine, koja je objavljena u "Službenim novinama Federacije BiH", broj 12/13, utvrđeno je da Uredba o privremenom preuzimanju dijela funkcija prijašnjeg Federalnog ministarstva odbrane iz oblasti vojnih evidencija ("Službene novine Federacije BiH", broj 53/12), nije u saglasnosti sa Ustavom Federacije Bosne i Hercegovine.

Presudom Ustavnog suda Federacije BiH broj: U - 52/13 od 11.02.2014. godine, koja je objavljena u "Službenim novinama Federacije BiH", broj 18/14, utvrđeno je da Uredba o privremenom preuzimanju dijela funkcija prijašnjeg Federalnog ministarstva odbrane iz oblasti vojnih evidencija (" Službene novine Federacije BiH ", broj 67/13), nije u saglasnosti sa Ustavom Federacije Bosne i Hercegovine. Prenos funkcija prijašnjeg Federalnog ministarstva odbrane treba izvršiti isključivo putem zakona.

Status realizacije Presude: Nije realizirana.

4. Rad Revizorskog tima za koordinaciju

Revizorski tim za koordinaciju imenovan je Odlukom predsjednika Federacije BiH broj: 01-02-490/15 od 29.05.2015. godine, broj: 01-02-490/15 od 29.05.2015. godine i broj: 01-02-490-05/15 od 19.5.2016. godine, u sastavu: Pavo Šljivić, Halil Čučurović, Lazar Martinović, Isad Smajlović, Miroslav Škoro, Esad Crnica, Marija Čelam i Elvir Međuseljac.

Revizorski tim za koordinaciju u okviru svojih nadležnosti realizovao je sljedeće aktivnosti

REALIZOVANE AKTIVNOSTI RT ZA KOORDINACIJU ZA PERIOD APRIL-JUNI 2021.GODINE		BROJ
1	ODRŽANE SJEDNICE RT ZA KOORDINACIJU	6
2	ODRŽANI SASTANCI SA PREDSTAVNICIMA MINISTARSTVA	0
3	IZVRŠENI NADZORI RADA RT ZA KONTROLU	16
4	ODGOVORI PO ZAHTJEVIMA STRANAKA	9
5	PREGLEDANI PREDMETI UPUĆENI RT ZA KOORDINACIJU NA ODLUČIVANJE	95
6	POSTUPANJE U PONOVNIM POSTUPCIMA PO PRESUDAMA SUDOVA	31
7	OKONČANI PREDMETI KORISNIKA PRAVA NA POVOLJNIJE PENZIONISANJE PO ODREDBAMA ZAKONA O PRIJEVREMENOM POVOLJNIJEM PENZIONISANJU	753

5. Angažovanje diplomiranih pravnika i drugih osoba po ugovoru o djelu i volontera

U toku II. kvartala 2021. godine nastavljen je angažman, uz prethodnu saglasnost Vlade Federacije BiH, određeni broj lica po osnovu ugovora o djelu radi podrške u provođenju Zakona o reviziji. Jedan broj bio je angažovan u sjedištu Ministarstva, a jedan broj na terenu u organizacionim jedinicama koje Ministarstvo ima u svakoj općini i sjedištima kantona. Broj angažovanih lica kreće se u okviru i prema saglasnosti Vlade Federacije BiH date ovom Ministarstvu za angažovanje određenog broja lica po ugovoru o djelu kojim se osigurava neometano funkcioniranje ključnih sektora Federalnog ministarstva u uslovima znatnog povećanja obima posla zbog provođenja Zakona o reviziji.

6. Dinamički plan kontrole zakonitosti korištenja prava iz oblasti branilačko-invalidske zaštite

6.1. Realizacija Dinamičkog plana za II. kvartal 2021. godine.

Zakon o reviziji donesen je kao rezultat potrebe da se izvrši sveobuhvatna kontrola službenih evidencija i dokumentacije, koja je poslužila kao osnov za sticanje prava na ličnu invalidninu, porodičnu invalidninu, mjesečni novčani dodatak i starosnu penziju pod povoljnijim uslovima, kao i kontrola ispravnosti postupaka priznavanja pomenutih prava i utvrđivanja stepena tjelesnog oštećenja radi priznavanja svojstva ratnog vojnog invalida. Vlada Federacije BiH je razmatrajući informaciju o reviziji za IV kvartal 2020. godine dala saglasnost za Dinamički plan realizacije Zakona o reviziji za 2021. godinu. Dinamičkim planom kontrole za 2021. godine planiran je rad Revizorskog tima za koordinaciju na okončanju prve faze revizije u predmetima korisnika prava prikazanim u tabelarnom pregledu iz tačke 1.1. ove Informacije, na predmetima u vezi sa presudama nadležnih sudova, žalbama, u predmetima povoljnijih penzija ostvarenih po odredbama Zakona o prijevremenom povoljnijem penzionisanju branilaca odbrambeno-olobodilačkom ratu, kao i postupanje u svim drugim slučajevima u vezi sa I. fazom revizije.

Planirane aktivnosti su realizirane u skladu sa objektivnim mogućnostima i u otežanim uslovima zbog pojave korona virusa u obimu kako je to prikazano u tabelarnom pregledu u tački 4. ove informacije.

U II. fazi koja podrazumjeva upućivanje na Institut i davanje nalaza i mišljenja Instituta za medicinsko vještačenje u II. kvartalu 2021. godine Institutu je dostavljeno 461 predmet, od planiranih 450, odnosno 16 predmeta više od planiranog broja, dok su ljebarske komisije Instituta u 384 predmeta dale nalaz i mišljenje od planiranih 750 predmeta, odnosno 366 predmeta manje od planiranog broja.

Razlozi zbog kojih Dinamički plan II. faza nije ispunjen su sljedeći:

- nepostupanje općinskih službi za branilačko-invalidsku zaštitu po zahtjevima Federalnog ministarstva za dostavu oko 1 285 predmeta za vršenje II. faze revizije. U navedenom prednjače Zapadno-hercegovački kanton sa oko 731 predmetom, Ministarstvo za pitanja branitelja Posavskog kantona sa oko 392 predmeta, dok se na ostale općine odnosi oko 162 predmeta;
- organizacioni nedostaci Instituta za medicinsko vještačenje zdravstvenog stanja u smislu stvaranja pretpostavki za davanje planiranog broja nalaz i mišljenja od strane nadležne ljebarske komisije;
- stanje prouzrokovano pojavom korona virusa na području Federacije BiH.
- u III. fazi koja podrazumjeva završetak rada na predmetu, odnosno donošenje akta kojim će postupak revizije biti okončan u II. kvartalu 2021. godine ukupno je okončano 330 predmeta od planiranih 450/600, odnosno 120 predmeta manje od planiranog minimalnog broja i 270 predmeta manje od planiranog maksimalnog broja.

7. Realizacija dosadašnjih zaključaka Vlade Federacije BiH

Ovo je 45. informacija upućena Vladi Federacije BiH koja tretira problematiku Zakona o reviziji. Dosadašnji zaključci Vlade Federacije BiH su realizirani.

8. Završna razmatranja

Federalno ministarstvo je i u II. kvartalu 2021. godine u skladu sa objektivnim mogućnostima u otežanim uslovima uzrokovanim pojavom korona virusa nastavilo sa provođenjem Zakona o reviziji, odnosno sa aktivnostima na stvaranju preduslova za provođenje i okončanje prve faze revizije, na provedbi druge i treće faze kontrole zakonitosti, te na ažuriranju i sravnjenju podataka u evidencijama koje se vode u vezi provedbe Zakona o reviziji u cilju dobijanja što tačnijih brojčanih pokazatelja dostignutog nivoa njegove provedbe. Od početka revizije zaključno sa 30.06.2021. godine ukupno je pregledano 140 936 predmeta, za pregled ostaje još 119 predmeta.

Okončan je postupak u 7 995 predmeta povoljnijih penzija ostvarenih po članu 4. stav 3. Zakona o prijevremenom povoljnijem penzionisanju branilaca odbrambeno-oslobodilačkog rata za čiju I. fazu kontrole je zadužen Revizorski tim za koordinaciju.

Na snazi su 1693 Uvjerjenja izdatih na obrascu FMB – 2 (prestanak prava), doneseno je 6 334 rješenja o prestanku prava i 10 841 rješenja kojim je utvrđen manji obim prava (vojni invaliditet ukinut, odnosno smanjen procent vojnog invaliditeta, ukinut ili smanjen ortopedski dodatak/dodatak za tuđu njegu i pomoć).

Uzimajući u obzir u informaciji navedene podatke i preglede da se zaključiti da je Federalno ministarstvo u skladu sa objektivnim mogućnostima poduzelo i poduzima mjere i radnje u cilju izvršenja poslova i zadataka koji proizilaze iz Zakona o reviziji.

U smislu prednje navedenog Vladi Federacije BiH se predlaže da nakon razmatranja usvoji Informaciju o provođenju Zakona o reviziji za period april-juni 2021. godine, sa sljedećim zaključcima:

1. Prihvata se Informacija o implementaciji Zakona o provođenju kontrole zakonitosti korištenja prava iz oblasti branilačko-invalidske zaštite („Službene novine Federacije BiH“, broj 82/09), za period 01.april – 30. juni 2021. godine, i ista će se dostaviti predsjedniku i potpredsjednicima Federacije Bosne i Hercegovine, i objaviti na web stranici Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata.
2. Zaduguje se Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata i Institut za medicinsko vještačenje zdravstvenog stanja da preduzmu organizacione i sve druge radnje i mjere iz svoje nadležnosti u cilju provođenja Dinamičkog plana Zakona o provođenju kontrole zakonitosti korištenja prava iz oblasti branilačko-invalidske zaštite za 2021. godinu.
3. Ovaj zaključak stupa na snagu danom donošenja.

Dostavljeno:

- 1.Vlada Federacije BiH
- 2.Kabinet ministra
- 3.a/a



**PO OVLAŠTENJU VLADE FEDERACIJE BIH
POMOĆNIK MINISTRA**

Mirza Terzo